



ქალაქ ფოთის მუნიციპალიტეტის საკრებულო



განკარგულება №15/52

2020 წლის 27 აგვისტო

ქალაქი ფოთი

ქალაქ ფოთის მუნიციპალიტეტის მერისთვის, ქალაქ ფოთის მუნიციპალიტეტის საკუთრებაში არსებული 4 (ოთხი) ერთეული პარკის სკამის საჯარო სამართლის იურიდიული პირის - ილია ჭავჭავაძის სახელობის ქალაქ ფოთის №5 საჯარო სკოლისათვის თხოვების ფორმით, აუქციონის გარეშე, უსასყიდლო უვადო სარგებლობაში გადაცემასთან დაკავშირებით თანხმობის მიცემის შესახებ

ქალაქ ფოთის მუნიციპალიტეტის მერს, 2020 წლის 30 ივლისის, №MES 2 20 0000645226 წერილით მიმართა საჯარო სამართლის იურიდიული პირის ილია ჭავჭავაძის სახელობის ქალაქ ფოთის №5 საჯარო სკოლის დირექტორის მოვალეობის შემსრულებელმა და ითხოვა სკოლისათვის ქალაქ ფოთის მუნიციპალიტეტის საკუთრებაში არსებული, ცენტრალური პარკის რებილიტაციის ფარგლებში დემონტირებული 4 (ოთხი) ერთეული პარკის სკამის თხოვების ფორმით, აუქციონის გარეშე უსასყიდლო უვადო სარგებლობაში გადაცემა სკოლის ეზოში დასამონტაჟებლად.

ქალაქ ფოთის მუნიციპალიტეტის საკრებულოში წინადადებით შემოვიდა ქალაქ ფოთის მუნიციპალიტეტის მერი, ქალაქ ფოთის მუნიციპალიტეტის საკუთრებაში არსებული 4 (ოთხი) ერთეული პარკის სკამის საჯარო სამართლის იურიდიული პირის - ილია ჭავჭავაძის სახელობის ქალაქ ფოთის №5 საჯარო სკოლისათვის თხოვების ფორმით, აუქციონის გარეშე უსასყიდლო უვადო სარგებლობაში გადაცემასთან დაკავშირებით თანხმობის მისაღებად.

„ადგილობრივი თვითმმართველობის კოდექსის“ საქართველოს ორგანული კანონის 122-ე მუხლის მე-6 პუნქტის შესაბამისად, მუნიციპალიტეტის აღმასრულებელი ორგანო უფლებამოსილია მუნიციპალიტეტის ქონება უსასყიდლო აღნაგობის, უსასყიდლო უზუფრუქტისა და თხოვების ფორმებით, აუქციონის გარეშე გადასცეს საჯარო სამართლის იურიდიულ პირს (გარდა პოლიტიკური პარტიისა).

ამასთანავე, „მუნიციპალიტეტის ქონების პრივატიზების, სარგებლობისა და მართვის უფლებებით გადაცემის, საპრივატიზებო საფასურის, საწყისი საპრივატიზებო საფასურის, ქირის საფასურის, ქირის საწყისი საფასურის განსაზღვრის და ანგარიშსწორების წესების დამტკიცების შესახებ“ საქართველოს მთავრობის 2014 წლის 8 დეკემბრის №669 დადგენილებით დამტკიცებული წესების 22-ე მუხლის მე-5 პუნქტის შესაბამისად, მუნიციპალიტეტის აღმასრულებელი ორგანო, მუნიციპალიტეტის საკრებულოს თანხმობით, მუნიციპალიტეტის ქონებას უსასყიდლო აღნაგობის, უსასყიდლო უზუფრუქტისა და თხოვების ფორმებით, აუქციონის გარეშე, გადასცემს საჯარო სამართლის იურიდიულ პირებს (გარდა პოლიტიკური პარტიისა).

ამდენად, მიზანშეწონილია ქალაქ ფოთის მუნიციპალიტეტის საკუთრებაში არსებული, 4 (ოთხი) ერთეული პარკის სკამი თხოვების ფორმით, აუქციონის გარეშე, უსასყიდლო უვადო სარგებლობაში გადაეცეს საჯარო სამართლის იურიდიულ პირს - ილია ჭავჭავაძის სახელობის ქალაქ ფოთის №5 საჯარო სკოლას.

აღნიშნულიდან გამომდინარე:

მუხლი 1.

მიეცეს თანხმობა ქალაქ ფოთის მუნიციპალიტეტის მერს, ქალაქ ფოთის მუნიციპალიტეტის საკუთრებაში არსებული 4 (ოთხი) ერთეული პარკის სკამი თხოვების ფორმით, აუქციონის გარეშე, უსასყიდლო უვადო სარგებლობაში გადასცეს საჯარო სამართლის იურიდიულ პირს - ილია ჭავჭავაძის სახელობის ქალაქ ფოთის №5 საჯარო სკოლას (საიდენტიფიკაციო კოდი - 215113419).

მუხლი 2.

განკარგულება შეიძლება გასაჩივრდეს მისი კანონმდებლობით გათვალისწინებული წესით გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მინიციპალიტეტი, დავით აღმაშენებლის ქუჩა №3).

მუხლი 3.

განკარგულება ძალაშია 2020 წლის 27 აგვისტოდან.



ბექა ვაჟარაძე